

(363) • և դիակ նորա ածեալ թաղեցաւ 'ի Տարոնն Կիլիկեցւոց : Իսկ Կիւրեղ հայրապետ՝ որ ական ունէր նահատաթեամբ Կատարել 'ի Յուլիանոսէ իբրեւ զմիւս Կիւրեղ, այլ ոչ եհաս ուխտի փափաքանաց իւրոց • բայց կրեաց ոչ ինչ նուազ նահատակութիւն հանապազորդեան մրցանօք ընդդէմ Արիանոսաց :

Յետ սատակման Յուլիանոսի ընտրեցաւ 'ի զօրականէ Յովիանոս (364) • որ հասեալ յԱնտիոք, հան հրաման թողուլ զՔրիստոնեայս ազատ 'ի կրօնս իւրեանց, այրեաց և կուսանաց տուան միւսանդամ առաւելութիւնքն, զոր հանեալ էր 'ի նոցանէ Յուլիանոս • դարձաւ Աթանաս յաթոռ իւր և Մելիտոս յԱնտիոք, մերժեաց զխնդիրս Արիանոսաց • ձեռնտու եմ՝ ասէ՝ այնոցիկ, որք ունին զմիաբանութիւն : Հապ ճէպ տուեալ զօրուն Յովիանոս՝ ել յԱնտիոքայ յաւուրս ձմեռայնի երթալ 'ի Կոստանդինուպօլիս եւ մերձ 'ի Բիւթանեա գտաւ մեռեալ յանկողնի իւրում :

Թագաւորեաց Վաղէս Արիոսական, եւ սկիզբն արար հալածել զամենայն Քրիստոնեայս, յափշտակել զեկեղեցիս եւ արեամբ թանալ զսեղանս • տարադրեցան եպիսկոպոսունք յաթոռոց, և արտասահմանեցան 'ի մետաղս, վասն չմիաբանելոյ նոցա ընդ Արիանոսեանս • անկաւ և Ս • Կիւրեղ յաթոռոյն Երուսաղէմի : Արդ 'ի կրկին վտարանդութեան Կիւրղի և 'ի դէնել Արիանոսաց զայլ ոք յԵրուսաղէմ, լցաւ Պաղեստին ամենայն անկարգութեամբ • համարձակ մուտ գտին անդ Արիոսականք, Ապողինարիտք, Մակիդոնեանք • եւ այլ աղանդաւորք, որոց բազմօք ընդդէմ զինեալ էր Ս • Կիւրեղ բանիւ և գրով : Այս վտարանդութիւն Կիւրղի յերկարէր ամս իբր 10 և եւս աւելի • թէպէտ եւ կրեաց բազում նեղութիւնս և տառապանս յարտասահմանութեան անդ՝ այլ համբերութեամբ տարաւ յամենայնիւ Սյլ առաւել դժնգակ իրք պատահեցան յեկեղեցիս Աղէքսանդրիայ և 'ի կրօնաւորս Եգիպտացւոց յետ մահուան Ս • Աթանասի հայրապետին : Իսկ Վաղէս յետ այոջսփո անաղորոյն անդթութեանց, հալածանաց և լիկանաց դասուցն ուղղափառաց պարտեցաւ 'ի մարտին ընդդէմ Գիթաց առ Ադրիանուպօլեաւ և փախուցեալ ապաւինեցաւ 'ի խուղ մի, զոր հրձիգ արարին Գութք յանդէտս և անդէն այրեցաւ : Որ-